

FPT Ministap Unniudjutikhat

Ublua: September 5-mi, 2019

Havaap Atia: Katimaniq Katimayinit Kavamatuqani, Aviktuqhimayuni Ukiuqtaqtumilu (FPT) Ministauyunik Havaaqaqtunik Ayuqhaqtuliqiyinik (MRSS) Katimanik, April 23-mi 24-milu 2019-mi.

Pipkaiyut Havagvik (viit): Inuligiyitkut

Ilauyut: Ministauyut kivgaqtuqtigiyatiklu tamainit aviktuqhimayunit ukiuqtaqtunilu, Alberta-miugituq Newfoundland-miugituq Labrador-miluniit, ilauhimayut katimaniqmi.¹ Kavamatuqani Ministauyuq Qatangutiriit, Nutaqaat Inuuhiuyulu Pivalianiginik (Ministauyuq Duclos), kavamatuqani Ministauyut Inuknik Ikayuutunik Niuvigauyuniklu Atuinallaqniklu (Ministauyut Qualtrough) ilauhimayuk April 23-mi April 24-milu ukunani.

Nunavumit katimayaqtuqtut ilaqaqtut Ministauyumik Qatangutiriinut Ikayuutunik, Tuukliuyuk Ministauyumit, Pitquhiqniklu Ilituqhaiyiluaq.

Ukua Uqautauyut Nunavulu Qanurilijuhit:

Ilingajunut Ilingajautikhangit

PT-nit Ministauyut katimahimayut higuani FPT-n katimaniganik uqauhiriyaagani kavamatuqanit Iligaiqpaliajutikhanut Atulirumayayut (PRS), Niuvaavikni Qanurinigat (MBM), niqikhaqatianiqlu. PT-nit Ministauyut uqaqtut qanuriliniganik iligaiqpaaliriagani hulijutinik inmi ataniqtuivikmikni.

Ministauyut Qatangutiriinut Ikayuutunik uqauhiqaqtuq Kavamat Nunavumi pigiarutaanik iligaiqaalirutikhanik, unau Uqaqatirit uumiga Iligaiqpaaliriagani Inuit unalu *Makimaniq IImi, Tamainit Pigiarutaayut Iligaiqpaaliriagani Inuit*. Ministauyuq uqaqtuq ulaasiutinik nutaaguqtiqiniginik havakviuyup havaarihimaliqtainik hakugikhivaaliriagani upijutikhat havaliriagani akituriaqlugulu ikayuutaayut inuqatiqagitunut.

Kavamatuqanit Iligaiqpaaliriagani Atulirumayainik

FPT-nit Katimatilugit, Ministauyut Duclos uqaqtuq qanuriliniganik PRS-mik tikuaqtuivlunilu ihuaqhaqiniginik uqaqatiriigutinulu havauhiuyut PT-kulu, Nunaqaqtulu timiuyut ayugitulu. Ministauyuq Duclos uqaqtuq qanuriliniganik qaganuaq uqariikhimayumik Ukiumi Mangit Atuqtukhanik 2019-mi aniguqtiyaagani maligakhamik iliyauyaagani Kanatami Ilitariyauhimayumik Iliganikut Kiklikhaa Kanatamilu Ihumakhaqhiuqtit katimayit Iliganiq maligamugiagani.

PT-nit Ministauyut uqaqtut tuniqhimayutimiknik ihumaluutimikniklu Kavamatuqani Ministauyumut, ilaqaqtunik ukuniga:

¹ Prince Edward Island-mit katimayaqtuhimayut hivayautikut

- Ihumalutit ukua PRS-guyuuq hatqiqhinaqmagaa manikhaqhiurutini inuujuhiqnilu qanuriliniginik,
- MBM-guyuuq ihuagituq naunaiyariagani iliganiq inukni. Ilaqariaqaqtuq ilagiarutininik hunanikliqaa naunaiyariagani nakurutauniganik PRS-guyuuq. Atuqniqatiaqniga ilauniganik ukiuqtaqtumiut MBM-mi uqautautiaqtuq. Ministauyuq Duclos ilitaqhiyut MBM-guyuuq ihuaqhivaaliriaqaqniganik; unalu
- Kavamatuqani ihuaqhautit itkamtaksini akikhigiarutini havaktulu qulaqnaiyautainik humiliqaa qahakhivaaliriaqaqtut.

Ministauyut agiqhimayut tikuutiyaagani FPT-ni Iligaiyakniqmik Ihumakhaqhiuqtit Kamitiyuq (PAC) hivumut aulahimariagani taja havaamikni upalugaiyaunmi avanmulu uqauhirilugit hivuniqhijutikhat nakuuniqhalu pigiarutikhat.

Kanatami Ilihaqviki Niqikhanik Havaaq

Ministauyuq Duclos uqauhiqaqtut qanurininiganik Kanatami Ilihaqviki Niqikhanik Havaamik, nutaaq kavamatuqanit havaaq tuhaqtijutauyut Ukiumi Maniknik Atuqtukhanik 2019-mi.

Ministauyut tikuahiyut uqaqatiriihutiklu atulaaqtunik atuqpalianigagut ahuurutinik kavamatuqanit havaami ukualu:

- Niqit ilihaviiilu ilaganiitut havaakhijutauyuni amigainiqhat PT-nii Ayuqhaqtuliyiyinit Havakviini. Timiuyumi havaqatiriiqnig ahiilu havakviuyut (ilaa Ilihaqtuliyiyinit) aturiaqaqniaqtuq;
- Havaami qanuriniga uqauhiqariaqaqtuq nunami ihumagiyayunik, ilaa uqahiktigiiknigit nunagiyayut Ukiuqtaqtumi;
- Nikhautiaqninginik niqit ihumagiyautiariaqaqtut nakurutauyaagani nutaaq aaniagitaagani; unalu
- Havaaq havaqatiriigutauyariaqaqtuq ukunanga ataniqtuiviknit ihumagiyaaqlutiklu nunagiyayunit hulijutinik akhuuqhaqlugilu ilaunigat aalat ilaayut ukunani.

Ministauyut agiqatiriitut kavamatuqani atanguyat upiniaqtut PT-nilu atanguyat, ukualu havakviuyunit Ilihaqtuliyiyinit, tikuahiyaaagani taja hulijutauyut ihumaliuqlutiklu qanuq atuliriagani nutaaq havaariyayuuq.

Aimaviqanngittunut

Ministauyuq Duclose uqauhiqaqtut qanuriliniganik una *“Akturiagani Agilrariyayuuq: Kanataup Agilraqagitulijutinik Atulirumayayut,”* haavitauyut April 1-mi 2019-mi. Akturiagani Agilrariyayuuq ilagiyaa Kanataup Kanatami Igluliqinikut Atulirumayanik, ihuaqhaqhimayut ikayuriagani qayaknaqtut Kanatamiutat pihimayaagani aaniqnaitunik, atuinaqtakhanik akituvalaagituniklu igluukhanik. Kanatami kavamat upalugaiyaqtut havaqatigiyaagani nunagiyayut pivaliayaagani atuliqtilugulu naunaipkutinit pijutauyuuq ihumaliurutit nunagiyayuni, nunagiyayulu tunilugit agitqiyamik ihuaqhatarutikhamik ihuaqhiyaagani nunagiyayumi atuqaarumayainik.

Ministauyuq Duclos piquiyuuq PT-ni Ministauyunit pipkaiyaagani maliruakhamik atuliqnigagut nutaap atulirumayayuuq, qiniqlutiklu atuqtakhanik hakugikhivaaliriagani

ihuaqhaqniiganik igluukhaqagituliqijutinik havaaq. PT-nit Ministauyut ² uqaqtut ikayuqtuqniiganik atulirumayaayuq, kihiani naunaiyariaqaqniiginik nunani akhuurutauyut ihuaqtumiklu atuliriagani una atulirumayaayuq.

FPT-nit Naunaipkutitik Uqaqtiriikniginik

PT-ni Ministauyut katimayut hivuani FPT-nit katimagiaqtinagit uqauhiqariagani atuniqatiaqniiganik FPT-ni Naunaipkutitik avanmut atuqniiginik. Ministauyut ukiuqtaqtumit uqatiaqtut ayuruirutimiknik ihumagiyamiknik, aktuqniqaqtumik katitiqniiginik naunaipkutit.

FPT-nit katimanigani, PT-nit Ministauyut uqauhiqaqtut ihariagiyaunignik kavamatuqanit naunaipkutit (naunaipkutit havakniqmik, nutaqaat ikayuuhiakhainik taimaitunik). Itqaijutaayuquq piquaqniiganik maligatigut angiagiyaayuniklu ihumagiyayunik avanmut aturiagani hivuniqihjutikhat ukunani FPT-nit ataniqtuiviuyuni. Ministauyut Duclos uqatiaqtuq kanatami kavamaayuup havaqatigiyaagani PT-nit ukuniga naunaipkutitik avanmut aturiagani ihauqhiyaagani maligatigut angiagiyaayuniklu akhuurutauyut.

Ministauyut agiqatiriiktut piquyaagani FPT-ni Inuuhiqmik Pivalianikut Ilituqhainiq Hivuniqihjutikhaniklu Kamitiyuq (SDRI) ilituqhaiyaagani taja naunaipkutitik avanmut atuqniiganik pigiarutit tikuaqhilutiklu hunanikliqaa ihuaqhivaalilaaqtunik.

Inuuhiqmi Nutauniqhaliniq Inuuhiqmilu Maniliqiniq

Hivuani FPT-nit Katimanigani, PT-nit Ministauyut katimahimayut uqauhiqariagani Inuuhiqmi Maniliqinikut Manikhaqvikvik atuqtiqniiginiklu Maniknik, Upalugaiqniiginiklu Atuqtukhanik. PT-nit Ministauyut agiqatiriiktut piyariaqaqtamiknik hivuniqhivaalirutikhanik kanatami kavamanit.

FPT-nit Katimanigani, Ministauyut Duclos uqaqtuq qanuriliniganik iniqtiqniiganik Manikhakvikhap atuqtitakhamikniklu Maniknik, Upalugaiqniiginiklu Atuqtukhanik. Havauhiyuq pijutauyut ikayuriagani aituqtuiyut, maniliugitut ahiilu inuknik pijutiqaqtunik timiuyunik atuliriagani nutaamik manikhaqvikhamik, ikayuruaganilu ilaliutiniginik ukua nanminik maniknik atuqtiqniyunit maniliurutiqrumayut havaanit nakuuyumik inuuhiqmi avatauyumilu aalaguqpaliyaagani hunaliqaa.

PT-nit Ministauyut quyayut uumiga hulijutauyumik ilitaqhivlutiklu ataniqtuiviit kagiqhitiariagani havaarilugulu una ihumagiyayut aalatqiini pijutini. PT-nit Ministauyut itqaiyulu qahaqhiyaagani ihuaqtikhat nanminik havakviuyunit atuqluaqtuq; ilaa, nanminik maniknik atuqtiqniyunit (ilaa nunagiyayuni timiuyunit) atuquyayukhaugaluq atuqtukhani utiqtuqariagani maniknik atuqtiqniyunulu.

PT-nit Ministauyut tuukhiqtut naunaitiariagani qanuq manikhaakhat aviktuqtaunignik qanuqlu atuqtauyaagani PT-nit.

Ministauyut agiqatiriiktut piquyaagani Inuuhiqmi Nutauniqhanik Ihuaqhaiyit uuktuqhimariagani havaqatiriigutikhat PT-lu, tikuaqhiyaagani maniknik atuqtiqniyukhanik

² Ilaugituq Quebec, agiqatiriigutikhamik ihuaqhaiyut inmiknik ilaa Kanata – Quebec-lu agiqatiriigutikhamik

upalugaiqniginik havaat manikhaqtitaulaaqtunik, qiniqlugilu ihuaqutikhat naunaiyariagani aktuqniginik.

2030-mi Havaakhat Atuqhimaginariagani Pivalianiq

PT-ni Ministauyut katimayut hivuani FPT-nit katimagiaqtinagit agiqatiriiktulu amigaitqiyaniq hivunihijutikhanik ihariagiyauniginik kanatami kavamanit pijutauyunik 2030-mi Havaakhanik Atuqhimaginariagani Pivalianiqmik.

FPT-nit katimanigani, Ministauyut Declos pipkaiyuq qanuriliniganik uqautauyuup. 2015-mi, hilaqyuami hivuliqhuqtit atuliqhimayut 2030-mi Havaakhanik Atuqhimaginariagani Pivalianiqmik. Piqaqtuq 17-nik atuqhimaginariagani pivalianiqmi iniktigakhat qafiligiq inuujuhimi, avatiliqinikut maniliurutikhaniklu pivalianikut ihumagiyaayunik. Ministauyut Duclos piquiyuq PT-ni havaqatiriigiagani tikuaqhilutik atuqtakhanik ikayuriagani Kanataup uqariiqtaa atuliriagani 2030-mi Havaakhat hivumut aulaliriagani inuujuhiqmi pivaliajutinik ihumagiyaayunik.

PT-nit Ministauyut apiqhiyut hunanik naunaitunik qanuriginik upijutinik atulirumavat kanatami kavamaayuq. PT-nit Ministauyut uqaqtut nunagiyaayunit hulijuit ilaunigilu nanminik havaaqaqtunit ihumagiyaayukhaugaluit.

Ministauyut agiqatiriiktut piqilutik atanguyanik qiniriagani, iluani Inuuhit Ikayuqtauniginik Havakvikni, atuqtakhanik ikayulaaqtunik Kanataup uqariiktaanik atuliriagani 2030-mi Havaakhat.

Atulaaqniqagut Ayuqhaqtuniklu Timimigut Ikayuutinik

PT-ni Ministauyut katimayut hivuani FPT-nit katimagiaqtinagit uqauhiqaqhutiklu havaaginik Akmaumayut Katimaniga Atulaaqniqagut. Ministauyut agiqhimayut atuliquyaayunik Akmaumayuq Katimaniga aulahimaginariagani ilitariyaugituq kamitiyuq iluani MRSS-kut Havauhiani ukunuuna Inuktigut Timimigut Ayuqhautiqaqtunik Ihumakhaqhuqtit Kamitiyukut (PwDAC).

FPT-kut Katimanigani, Ministauyut Qualtrough uqaqtuq qanurilivalianiganik Maligaq C-81, atulirumayuq *Atulaaqniq Kanatami Maliqaqyuq: Maliqaqyuq Ayuqhautiqaqitaagani Atuqniqagut Kanatami*, uqauhiqaqhutiklu hatqiqniganik Kanatamiutani Atuqniqagut Atuqtukhanik Pivalianikut Timiuyuq (CASDO). CASDO-kut pipkainiaqt atuqtakhainik FPT-kut havaqatiriigiagani atulaaqniqagut, hatqiriagani ihuqagitunik atuqtakhainik Inuit timimigut ayuqhautiqaqtunik, atugitaaganilu ajikiinik ikayuutikhanik.

Ministauyut Qualtrough uqaqtuq qanuriliniganik kavamatuqani timimigut ayuqhautiqaqtunik hulijutit ikayuutilu, qaganuaqlu uqariiqtit Ukiumi Maniknik Atuqtukhani 2019-mi, qaganuaq pulaaqniq UN-kuni Ajikutaqagituq Katimajutikhanik Uqaqti, atuqtukhaq Timimigut Ayuqhautiqaqtunik Katimaqyuqniqmik May-mi 2019-mi, katimaqyuqniqhaqlu UN-kuni Maliqaqyuamik Ihumaqhuutainik Inuit Timimigut Ayuqhautiqaqtut June-mi 2019-mi.

PT-ni Ministauyut tunihiyut qungiakhanik Ministauyumut Qualtrough-mut takuupkaijunmik akhuurutauyuni ikayuqtuqiginik Inuit timimigut ayuqhautiqaqtunik itqainiqmiklu pivaalirutit atulaaqniqagut aalatqiini PT-ni ataniqtuivikni.

Ministauyut uqauhiqaqtut atuqniqanik hatqiriagani havaanik atuqtukhanik inuknit timimigut ayuqhautiqaqtunik, nakuutqiyamik nuutpigiagani ukua aulaqliqtut havakvikmut, ayuqnaipaaliriagani itkamtaksini akikhigiarutikhat ikianaitaaganilu uuktiriagani atulaliriaganilu, amigaiqpaaliriaganilu qafiuqnit Inuit uuktuqtut Iitaqriyauhimagumik Timimigut Ayuqhautiqaqtut Ilipqamayakhamiknik Upalugaiyaunmik (RDSP).

Ministauyut agiqatiriiktut uqaqatiriigiamikni tamainit atuqaarumayainik kitunilu havaqatiriigutikhanik tuukliqmi katimaniqmi, kiguani PT-n DM-git katimajutiqaqtulugit timimigut ayuqhautiqaqtunik ukiakhami 2019-mi.

Nunaqaqaqtut Nutaqaat Inulramiilu Munariyuyut (ICYC), unalu Jordan Pitquhianik (PT-ni Ministauyut)

PT-ni Ministauyut uqauhiqaqtut kanatami kavamat qiginiginik katimaqatigiyaagani PT-n uqauhirilugut Maligaq C-92 qaitquhimaitumik titiraqaqtunik ikayuqtiriyatik, Katimaqyuaqtit Itqiliqni, Inuit Tapiriit Kanatami, Qavlunaaqalu Kanagami Katimayit. PT-ni Ministauyut qauyipkaikmata ikayuqtuiniqmiknik pitquhiyut iluani maligauyuup, Ministauyut uqauhiqaqtut ihumalutimiknik iliguinaulaaqiginik ikayuutini, qanuqlu aktuqniqaqniqmagaa una kanagami maligauyuq ukuniga taja PT-ni maligauyunik pigiarutiniklu.

Ministauyuq Qatangutiriinut Ikayuutauyunik uqauhiqaqtuq Kavamat Nunavumi ihumaluutaanik pijutiqaqtunik Maligaq C-92-mik, unalu kanatami maligauyuq atuqniqmagaa aalaguqiginik, atuqtunik pitquhiyuniklu uqautauhimaliqtunik *Nunavumi Nutaqanut Qatangutiriinulu Ikayuutiniq Maligaqyuami*, titiraqtauhimayut havaqatigivlugit Inuinaqnit ilauyut. Minisrtauyuq itqaiyuq uqaqatiriiknigit Kavamalu Nunavumi qayaknaqtut kanatami kavamanit kagiqhiyaagani pijutaulaaqtunik Maligaqmit, qanurinigit ikayuutit pivikhaqaqnit Ukiuqtaqtumi, akhuurutulu Nunavumi apqutigiyaaaniitut atuqtitjuhiinik ikayuutikhanik.

PT-ni Ministauyut uqaqtut ihumaluutimikni kavamatuqanit akiliutauyunik Jordan Pitquhianik qauyimahimaitumik qanuraaluk manikmik ahivainiginik atuni ataniqtuiviknut, akiliutauvaliayunik, naahuriyaulaaqtuniklu PT-nit.

Ministauyut agiqatiriiktut tuukhiriagani upaluqnaqtumik hivayautikut katimaniqmik uqauhiqariagani ihumaluutimiknik pijutiqaqtunik aktunigani maligauyuup ataniqtuivikmikni. Ministauyut agiqatiriiktut hivayautikut katimanik ihauqhinarigitpat, tamainit titiraq uqauhiqaqtuq ihumaluutimiknik tuyuutauniaqtuq.

Ministauyut Qatangutiriinut Ikayuutiniq itqaiyuq uqaqniqniqraqhuni Havaakhitauhimagumik Kamitiuyumut uvuuna Nunaqaqaqtut Inuit April 30-mi 2019-mi,

uqauhiriyaagani Kavamat Nunavumi ihumaluutait Maligaaq C-92-mik. Ministauyut uqaqtut ikayuutimiknik uumigaa takuukhauniganik.

Tukliit Qanuriliurutikhat:

Nunavut ilaihimaanaqut atanguyat inigiyaini aalatqiini Ayuqhaqtuliyit ihuaqhaiyinit, ukualu Nunaqaaqtut Nutaqaat Munanriyauyunik ihuaqhaiyit, Iligaiqpaaliriaganilu Ihumakhaqhiuqtit Kamitiuyuq Jordan-lu Pitquhiinik ukua ihuaqhaiyit. Nunavut havakniaqut huvuniqhipkaivagamikni hunauniginik ihumaluutauyut kavamatuqani nutaqanut qatangutiriinulu ikayuutinik maligauyuq, Jordan-lu Pitquhianik, Inuulu Pijutiqaqluaqtumik Nutaraaq Hivuliutiyaagani hulijutauyuq, kavamatuqanilu iligaiqpaaliriagani atulirumayauyunik.

Ilaliutihimayut: FPT Uqautaujuq

FPT Ministangit Ilitugidjutikhangit talvunga Maligaliuvingmut

Minista

Tukliq Minista

Tuhaqtitaujukhaq

Tuhaqtitauhainnaqtukhat

Kavamatuqatkut, avikturhimanirnin ukiuqtaqtuninlu ministat havaqatigiiktun pimmarigharumaplugin inirutikhait Kanadamiunnun

Ministat havagumajun hivumuutinnikkut inungnun ikajurutit piijaqtirnikkut pilimaidjutiuvaktunik

**April 24, 2019
Kanadami****Saskatoon, Saskatchewan****Havaktuliqinikkut Inungnullu Pivalliadjutikhainnun**

Kavamatuqatkunnin, Avikturhimanirnin Ukiuqtaqtuninlu Minista Munarijun Inungnun Ikajurutikhainnun* katimavaktun tunidjutijaami ilituripkaidjutikhanik, uqaqatigijaami atauttikun hivullitiumajamingnik havaqatigiiklutiklu kiunikkut pilluqatuni inungnun atugakhani ihumagijaujunik. Ministat ihivriuqtaait angijun nakuumik inirhimavaktait tamainnin nunagijaujunin ilitariplutiklu aallallu havaktaujukhat tamaatun tamaita Kanadamiut ikajuqtaujaanginni uumangga ilaupkaqtitauvangniarmin piangaittuminlu Kanadamin.

Miitiruti atuni-ikhivautaqatqut ukunangga Nanngarijaujunin Jean-Yves Duclos, kavamatuqatkunni Minista Ilagiiktunun, Nutaqqanun Inungnullu Pivallialiunirnun, unalu Nanngarijaujuq Paul Merriman, Saskatchewan Minista Inuliqijikkut Havagvianun. Ministat uqaqatigivaktain amigarnaqtun ihumagijaujun, ilaujt ilingaijajarniit, aivikhaittun niqikhailliuqnrilu. Angiqhimajun ihuaqhaidjutikhat ajurnaittukhat, tamatqiutituni-havauhiqtutitunik, ihumagilugillu aallakkiit ihariaginiit tamaani nunaptikni huli ihumagittiarlugin nunagijaujuni havaktakhait munarijaillu.

Ministat uqaqatigijaillu anginiqarniit ilituripkaidjutinik atuqatigiiknirnik, ukunanilu uuktuqvikhanik havaqatigiiknikkut hivumuutiginikkut inungnun aallakkuurutikkut inungnullu maniliqinikkut piniarhimadjutit ikajuutaujaaqtun kiunikkut nunallaani ajurnarhivjakpaktun aulajummiqtirlunilu tadjja kavamatuqatkunni, avikturhimanirni ukiuqtaqtunilu pidjutainni. Taimaalu, kavamatuqatkut naunaiqtitaa pijumamini uqaqatigilugi taapkuat munarijun ministaqarviit aviktuqhimanirni ukiuqtaqtunilu piluqninganun Kanadami iliharvingni niqini pinahuarutimik tunijullu naunaitkutimik uumani 2030 Katimadjutikhamik uvani Aularaanginnaqtuni Pivallialiurnirni qanuqtullu ikajuutauniaqtuq hivullitijaujukhanun havaktakhanullu avikturhimanirnin ukiuqtaqtuninlu.

Hivuagun miitiliqtinnagin, Nanngarijaujuq Seamus O'Regan, Minista Nunaqaqaaqtunun Ikajuutainnun, ilauqatigijain kavamatuqatkunni, avikturhimanirni ukiuqtaqtunilu ministat tuhaajaami Kanadamin Nunaqaqaaqtunin hivuliqtinun tautukhimadjutainnin kaffiujuni inungnun ikajurutikhainni hivullitijumajaujuni, ilaujuqlu pimmarigharnikkut inirutikhanik Nunaqaqaaqtuni nutaqqanun inulrammiinnunlu tigujuhijaujun, aivikhainnikkut nakuutqijaujunik havagutikhanik uuktuqvikhaniklu inungnun aallakkuurutikhakkun.

Tukliqmi ublumi miitirni, Nanngarijaujuq Carla Qualtrough, kavamatuqatkunni Minista Inungnun Ikajurtainnun Pivingnullu Pijaaqtaaqnikkullu, uqaqatigivaktait pijaaqtaaqnikkut ajurutiqarnikkullu ikajurutikhat ukununga avikturhimanirnin ukiuqtaqtununlu qanuqtullu havaqatigiijuummiqtaaqatun ikajurnikkut inungnik ajurutiqaqtunik turaangaluni piluqnikkut ilauqatigijuummirutikhanik, pijaaqtaaqnirnik pilimaidjutiuvaknik-pijaaqhimalunilu Kanadamik.

Uqaqatit

“Quviahuktunga taapkuat kavamatuqatkun, aviktuqhimaniit ukiuqtaqtumillu ministat munarijun inungnun ikajurutikhainnun aulahimmaqtun miitiqattaqpakhutun havaqatigiikhutiklu. Quanaqtun taapkununga havaqatigiingnikkut havagutinun, ikitqijat Kanadamiutat ilingaliqtun amigaittullu piangaijuummiliqtun. Kihimi, ilihimajugun amigaitqijaujun havaktaktaujukhat huli. Taimaatun pijumahimmaqtugun havaqatigijumaplugin tamaita paannarijaujun piliuriami aallakkiikniqaqtumik, piangaittumik ilaupkaqtidjutiqaqpiqaqtumik nunamik talvani tamaita Kanadamiutat tikittaaqtait tamaat pijaaqtamiknik.”
– Nanngarijaujuq Jean-Yves Duclos, Minista Ilagiiktunun, Nutaqqanun Inungnullu Pivallialiunirnun

“Quvianaqtuq tunngahuktinikkut kavamatuqatkunnin, avikturhimanirnin ukiuqtaqtuninlu havaqatigijaminik Saskatchewanmun. Miitirniq nakuuqpiqaqtuq uuktuqvighauvaktuq aulahimmaaqtitinikkut havaqatigiigutiptingnik ihumagijaujuni hulaqutiqaqpaktuni nutaqqanun, ilagiiktunun inungnunlu nunallaaptinik, taapkualluanunlu akinialaitqijujunun. Atauttikut, hivumuuliqtugun ihumaginirni imaatun ilingaijarnirnik, pijaaqtaaqnikkut ajurutiqarnikkullu ikajurutikhat, uumanilu inungnun aallakkuurutikhakkun. Aallanik havaktaujukhanik ihariaginiqaqtuq, niriuktugullu aulapkaqhimaarnikkut

atauttikkut havagutinik angummadjutijaami aallakkiiktunik ihariagidjutinun tamaani nunaptini pimmarigharumaplugillu inuuhiit Kanadamiutatni.”

– Nannarijaujuq Paul Merriman, Saskatchewan Minista Inulijikkut Havagviani

“Ublumi havagumaniq havaqatigiigumanikkut anginiqaqtuq hivumuudjuti pipkainikkut piqpiaqhimajumik pijaaqtaaqnikkut Kanadami. Tamapta havagutiqaqtugun piliurnikkut aularaanginnaqtunik pijaaqtaaqnikkut aturutikhanik inungnun ajurutiqaqtunun. Niriugtunga havaqatigijaami avikturhimaninmi ukiuqtaqtunilu havaqatigijamni hivumuutinikkut atauttiikut auladjutiptini havagiamilu talvunga angitqijajumun tautungnitmun uumani ilaupkaidjutiqaqpiqaqtumik uumanilu pilimaidjutiuvaknik-piijaqhimalunilu Kanadamik.”

– Nannarijaujuq Carla Qualtrough, Minista Inungnun Ikajurtainnun Pivingnullu Pijaaqtaaqnikkullu

*Pidjutinirin qangannuaq pijukhaninlu niruarutikhanin, katimajikhaittuq Alberta-min, Newfoundland and Labrador-millu miitirvingmi.

- 30 -

Tuhaqtidjutinun apirhuutinun, uqaqatigilugu:

Valérie Glazer
Taigualiuqtiinni Titiraqtia
Havagvia Nannarijaujum Jean-Yves Duclos, P.C., M.P.
Minista Ilagiiktunun, Nutaqqanun Inungnullu Pivallialiuqnirun
819-654-5546

Tuhaumapkainikkut Havagvia
Havaktuliqinikkut Inungnullu Pivalliadjutikhainnun Kanadami
819-994-5559
media@hrsdc-rhdcc.gc.ca
[Malikluta Twitter-mi](#) 